

小方壺齋

小方壺齋

小方壺齋輿地叢鈔第七帙目錄

南清河王錫祺壽登甫輯

蜀遊紀略

華亭王 撰著

山陽丁萬寶校

蜀道驛程記

新城王士正著

秦蜀驛程記

新城王士正著

隴蜀餘聞

新城王士正著

使蜀日記

遂安方象瑛著

益州于役記

海甯陳奕禧著

蜀輜日記

安化陶 澍著

蜀遊日記

金谿黃勤業著

雅州道中小記

青浦王 昶著

夔行紀程

· 陳明申著

西征記

三原劉紹放著

北遊紀程

山陽高廷第著

巴船紀程

黃岡洪良品著

東歸錄

黃岡洪良品著

遊蜀日記

盱眙吳 震著

遊蜀後記

盱眙吳 燾著

川中雜識

盱眙吳 靈著

粵述

歙縣吳 敘著

粵西偶記

平湖陸祚蕃著

粵西增記

吳江沈日霖著

灘江雜記

江陰金武祥著

滇南通考

昆明王思訓著

滇南雜志

上海曹樹翹著

全滇形勢論

永北劉 彬著

入滇陸程考

趙州師 範著

入滇江路考

趙州師 範著

滇南新語

漢軍張 泓著

滇南雜記

烏程吳應枚著

尋親紀程

長洲黃向暉著

滇還日記

長洲黃向暉著

洱海叢談

長洲文 果著

滇遊記

江陰陳 鼎著

滇行紀程續鈔

華亭許纘曾著

東還紀程

華亭許纘曾著

東還紀程續鈔

華亭許纘曾著

自滇入都紀程

江陰楊名時著

滇行日錄

青浦王昶著

滇輶紀程

侯官林則徐著

使滇紀程

六安楊懌曾著

雲南風土記

太倉張詠著

探路日記

英國··述

滇遊日記

錢塘包家吉著

順甯雜著

河南劉端著

黔囊

望江檀萃著

黔記

山陽李宗昉著

黔西古蹟考

··錢霽著

黔遊記

江陰陳鼎著

黔中雜記

歙縣黃元治著

黔中紀聞

武威張樹著

貴州道中記

宜黃謝階樹著

古州雜記

汲縣林溥著

粵漢雜記

計五十三種

陽湖趙翼著

蜀遊紀略

華亭王 雲著

庚戌歲除蔡公統榮有入蜀之○○命辛亥正月余自荊南偕之入蜀行五日至夷陵吳西陵也

雍正十三年升

爲宜昌府州西爲南津口始入峽舟至青灘易蜀舟上有葉灘二灘水勢險激諺云有青無葉有葉無青言相

爲消長也蜀舟大者橈夫十餘人左右分列溯流而上客子促膝舟尾僅如斗大遇灘則舍橈而纜纜以巨竹四分之首尾銜接以麻固之長數十丈仲若引繩收則蛇蟠所謂百丈也舟子牽纜登山從亂石中崎嶇上下高或至嶺降或臨水累足側步勢殊危仄纜阻石則絕一人從後謹護之纜絕失足往往有墮

崖死者舟中鳴鼓牽纜行者不暇回視惟聞鼓聲緩急爲節灘高則鼓急過灘鼓止收纜而下復鼓橈矣

次歸州州治在山內古姊歸也次巴東是爲楚塞之衝矣次巫山故瞿塘峽前爲灩澦石北岸卽白帝城故址也計行峽中凡八日云三峽之勝瞿道元水經注詳矣茲不復述按三峽七百餘里水經江水又

東逕廣谿峽注云斯乃三峽之首也峽中有瞿塘灘今瞿塘峽是也一爲巫峽或曰仙山峽巫山幽鬱神

理茫昧殆上眞所棲故山得仙稱矣其間首尾一百六十里所謂巴東三峽巫峽長者也一爲明月峽在

西陵境內或曰統名西陵峽三峽之名斯爲正矣若以西陵明月黃牛爲楚三峽巫歸瞿塘爲蜀三峽者

枝矣其地指畫形似傳會標目厥名非一大都長年土人之談不足信也白帝城以西爲夔州古夔子國

也自夔府而上爲雲陽萬縣忠州酆都涪州長壽凡十八日而抵重慶古渝州也石城截嶺天然設險岷

江嘉陵二水東之會於城下東下夔門佛陀二郎兩關扼其西自渝以西叢山荒邑伐木除道皆曩時虎

穴不敢宵征山巖特壯奔突道左蟻巢於樹累土成盜蜂房如傘下垂及地目所未經靡得而詳矣經永

川榮昌隆昌內江觀鹽井井以石架木引竹汲水煮鹽旁有廢井乃獻賊所塞他邑廢井甚多修復者十

未及一問火井聞在富順云又經資縣資陽至簡州之龍泉驛始下山凡十有二日而至成都時則仲春

之杪矣予自經登舟意忽忽不樂至渝舍舟乘輿體益憊懣不能食至成都而疾大作兩月疾始愈醫者云水土不宜予心知其非也蜀中風土甚佳仲春山行雜花競發綠梅成陰鳴蜩嘒嘒已類初夏蓋地偏西南天時早暖宜產荔枝之屬矣成都三伏時夜雨晝晴頗滌煩歎因憶杜少陵詩云蜀天多夜雨江檻每朝晴信實錄也成都自獻賊之亂官民廬舍劫火一空蔡公至館於棘園卽蜀王故宮也規制畧如大內而差陋惟存重城館舍皆草創蜀人云崇禎甲申八月初九日賊破成都蜀王同妃投西宮門外井中今井尙存焉國君死社稷無愧於三月十九日之烈矣同時殉難者成都太守太倉沈公雲祚他郡則巴縣令南昌王公錫一入而已秋日偶出遊西望羣山日光雪色皎然奪目出南門登萬里橋又憶少陵西山積雪南浦清江之句不勝涕洟一身之感西至昭烈惠陵荒土一坏陵左舊有諸葛忠武侯祠已廢有唐柳公綽碑訪浣花溪百花潭潭在草堂寺前西爲少陵草堂遺址惟存荒祠斷碑而已又至青羊宮樓觀煥然時賢所重構也登樓四望遠山環繞若屏障中間平泉如掌所謂沃野千里也阡陌宛然溪流清駛人煙久絕盡成汙萊山麋野豕交迹其中野外高邱疊壘則皆獻賊屠戮之暴骨聚而瘞之三十年來尙未能盡也城中茅舍寥寥詢其居民大都秦人矣公乃議爲生聚之計上書請招民入蜀者得除爲吏又請還蜀士之流寓四方者爲四民倡事皆施行又下令禁止昭烈陵樵採命所司重建諸葛祠少陵草堂時瀘州亦修諸葛祠白帝城修昭烈祠皆爲立碑焉公拊循將士有惠愛而於降將尤加意荆南麾下舊有施州降將部曲令入蜀每旦畢集幕下席地列坐會食具酪茗談諧盡歡羅拜而退日以爲常或較射角勝置牛酒降將常搢腕妄詡戰功公亦妄聽之不責其誕也在蜀半載客有言彼土山川諸奇者公欣然欲往聞青城道第不可行乃謀歸途爲峨眉之遊且將爲親祝釐也八月下潯出成都渡江岷江至此其流尙狹淺厲深揭公策馬亂流而濟水及馬腹水行者以筏下嘉州焉經雙流廢縣爲新津彭山至

南清河王氏鑄版

木後者繼至勢不得休匍匐強進且前且卻至是而手足力并竭矣抵太子坪梵宇稍整憩久之乃上天門石右爲寺石從左環其後左爲門廣僅容輿兩壁峭立委折若曲巷石紋黝潤類太湖入門皆坦道矣過娑羅坪將登巔忽聞傳呼曰佛光見疾馳而上至光相臺倚欄平視光如大圓鏡四圍雲成五彩時余登臺稍遲伫立未幾光影倏散化爲紫雲橫亘天半須臾白雲浪湧浩然瀾漫僧家謂之兜羅綿俗名銀海焉公見之大喜既而雲氣驟散碧天湛然下視山川城郭歷歷在目遙望天外一山隱見或云此越嶲五屋山及西域雪山也是夜宿經閣夜未半又聞傳呼云聖鑒見亟披衣起復登臺觀之鑒光如燭參差明滅若遠若近山僧獻諛云登山者求觀佛光聖鑒或待至累日僅一遇之或值陰霧至經月卒不得觀今日光鑒並見稀有上瑞也公益喜以余度之高山日上雲下光景相射時當秋霽變幻澄鮮理或有之僧神其說耳臺上二烏類鸛鶴馴擾不去名佛光鳥俗言光見則鳴殊不聞也聖鑒疑有青燐之屬相傳時或近人攬之乃是落葉聞五臺亦有之矣質明九月初公命僧作佛事予進曰公爲親祝釐吉祥善事也而從者佩刀負矢趨蹌左右恐非所以對越慈氏也盍釋諸公許之予登臺入殿禮普賢大士宿霧空濛上下一色遙見霧中冠佩數輩森然齊列心怪之乃公所從麾下降將也余竊歎曰是遊侶也邪而罷民力以昇之登山者也象王其不忍見乎殿大小凡四皆奉普賢大士殿瓦皆冶銅鐵錫爲之先朝濬藩岷藩銅碑各一經閣亦鐵瓦先朝季年重修梁上載年號及舊鎮祁三昇題名中梁懸毘盧佛像一亦三昇施也山中所過僧院名不悉記聞山後尙多以足疲不能遍遊惟偃息閣上終日而已僧言冬初雪降山徑不通謂之封山至明年初夏始開不耐寒者季秋皆下其住山者豫聚半載糧瀾雪而飲其苦行若此是日陰雲夜有寒色曉起僧已溫火以待矣從雲霧中下山衣皆沾濡既而雨至扶攜崎嶇困飢憊甚至萬年寺舉步失次且僵臥僧楊公已先驅往遊洪椿坪遣人趣予行予足不能前而僕夫皆告瘁矣遂

留宿寺中明晨至雙飛橋公亦自洪椿坪至極言山刹之勝惜不及從也至伏虎寺復易輿而騎歸宿縣
邸明日次嘉定乃登舟岷江至嘉州始大大渡河水來會之蜀舟皆集焉一都會也州治被兵未殘廬舍
完整爲僅見云舟次犍爲敘州馬湖水來會之或曰岷江一派入滇出金沙江流入馬湖未詳也次南溪
江安納溪瀘州自蜀入滇黔之孔道也內江水自資簡來會之次合江江津重慶嘉陵江水來會之次涪
州黔江合南夷諸水來會之次萬縣開江水自開遠來會之總於夔門以入峽自夔門下峽計五日而抵
荊州時則九月之晦也往還凡歷三時云道元云朝發白帝暮宿江陵蜀人言盛夏水暴漲時或有之然
人畏不敢下謂之封峽冬春水縮舟行差易惟遇旋渦上下爲之戒心時乘巨艦左右二楫榜人二十餘
輩搖曳震聒不辨人聲忽爾寂然視之則舟如蓬轉矣過青葉二灘不復易舟水勢懸溜自上而下舟中
人皆失色回望羣舟如飛鳶站站墮水也孟冬過黃牛峽時登黃陵廟穿石窅徑良久達岸至是舟與岸
齊前石皆在水底矣益信蜀道難行者當在冬春之際也

蜀道驛程記

濟南王士正著

康熙十一年六月士正奉○○命偕鄭工部次公

日奎江西貴溪人順治己亥進士

典蜀試二十二日○○陸辭七月朔

與家兄西樵考功及家人別余方有兒渾之痛伏枕浹旬罷勉就道留家累○京師依兄以居途次聞宋

荔裳

璣

觀察尙在余後荔裳新補蜀臬前五日行去歲荔裳及曹顧庵爾堪學士施愚山閻章少參沈繹

堂奎侍講程滄榛可則職方李容齋天馥陳說巖延敬二學士與余兄弟在都下爲文字之飲酬唱最多

旣而愚山遊嵩少顧庵歸不中滄榛使并州繹堂再被召入翰林荔裳與余又將先後入蜀存歿聚散之

間不勝感慨雨抵長鄉縣

初二日夜雨晨霽夾道青林蕭條上不見日北望大防諸山如彈冠振衣午次涿州渡涿水列仙傳琴高

乘赤鯉於此暮抵松林店

初三日過定興縣暮抵安肅縣縣令梁舟三原人舊共事廣陵屬寄家書於○京師

初四日午次保定府治清苑縣西郭謁椒山先生祠又謁忠烈祠甲申之難流賊破故關攻保定同知邵

宗玄及郡人光祿少卿張羅彥兄弟御史金毓峒輩守死弗去督師大學士李建泰賺城入之爲賊內應

城遂陷宗玄等皆死之近同知常大忠建祠祀焉抵陞陽驛宿是日暑甚

初五日過慶都縣古望都暮抵定州北十里渡唐水水與滌水合流山海經云高是之山滌水出焉水經

注云滌水東逕左人城南應劭曰中人城西北四十里或謂之爲唐水也水出中山城北郎中阜下又有

盧奴窮魚水自涿州西南行三四百里無山渡唐水望見西北一峰突起舟人云曲陽之嘉山也卽郭李

破史思明處定自唐宋以來爲雄鎮兵燹之後百不一存覓韓忠獻公閱古堂鳳春園舊址不可得惟蘇

文忠公書杜牧之得州荒僻中更值連江雨一篇石刻尙在按此語乃牧之刺黃州作坡曾謫黃後帥定

武吏書之耳杜刺池刺黃後乞湖州未嘗爲定州誌誤也

初六日次新樂縣古鮮虞侯國春秋晉荀吳伐鮮虞卽此抵伏城驛元侍郎蘇天爵春風亭在驛南蘇村是夕雨

初七日晨雨止午次眞定府治眞定縣唐成德軍也城南渡漳沱西山爽氣漸來親人抵獲鹿縣獲鹿彈丸山郭羣峰環抱金元好問北渡汾居此

初八日出獲鹿西郭有山自南來石骨刻露清流浸趾曰西屏山入土門口巖鄣蜿蜒相屬坡詩所謂銓紆土門口突兀太行頂也問土人惟能指目抱犢卽史記華山海螺數峰餘多不知名午次井陘縣太行八陘

之第五陘也縣水一名旱漿自平定來入漳沱濁流奔浪聲動厓谷井陘西南二十里龍窩寺石壁對峙壁上小松一株生石罅徑尺許都城盧師山石壁有小松與此正相類暮抵胡桃園夜雨

初九日冒雨騎行自胡桃園至井陘舊關十餘里間石壁最奇角圭廉利下無寸土山中人耕石田如浮屠層級然及關下峰迴徑斷呀然中開忽見戍樓雉堞冠山而出登樓小憩觀諸山出雲濃綠蒼鬱飛瀑淙潺爭流競響冒雨出關危棧臨溪延緣錯互午過柏井驛有柏井故城唐長慶初裴管公爲鎮州招討使駐兵承天軍卽此抵平定州入山西界州有上下二城金趙尙書秉文守此州建湧雲樓元好問詩云莫笑吾州如斗大他州誰有湧雲樓夜大雨

初十日夜雨夢兒渾髣髴如平生是日爲兒五七枕上投淚成一詩是日山溜暴漲自日至暮凡三十餘渡輿馬甚苦揭厲抵芹泉驛芹泉水一名桃川水又名桃江發源壽陽入太平谷流入縣水此別一縣水非介休縣水也

十一日晨次壽陽縣使院中有韓文公使成德絕句元祐癸酉左宣義郎知縣事孟天常子履重刻公詩

以團字爲韻和作詩版甚眾大抵牽率惟鄢陵陳棐文岡三詩合作壽陽在春秋爲馬首城韓趙魏共滅祁氏以韓固爲馬首大夫晉劉琨破劉曜於此抵什貼鎮宿

十二日晨食鳴謙驛榆次縣境春秋昭八年晉侯築虎祁之宮有石言晉之魏榆卽此暮抵徐溝縣有同戈村唐高祖起兵處

十三日雨午次祁縣春秋時晉大夫祁傒邑周禮并州其川嘔癢注云祁癢又曰溫湫之澤卽爾雅九藪之昭餘祁也東南連峰疊巘縣互百里最奇秀者麓臺山山海經龍首山西三百里曰麓臺暮抵平遙縣隸汾州古陶地帝堯初封漢曰平陶後魏避太武諱改今名

十四日早涼發平遙三十五里憩張蘭鎮鎮爲商賈輻輳之地有類巖邑西河人好貨殖有白圭遺風圭之言曰知不足與權變勇不足以決斷彊不能以有所守雖欲學吾術終不告之矣夫烏氏保得與朝請而寡婦清一女子至抗禮萬乘此太史公所以發憤也抵介休縣漢地理志曰界休袁崧郡國志曰界休縣有介山有縣上聚介子推廟又郭林宗墓在縣東五里舊有蔡中郎碑子推祠側有文潞公祠公縣人也志稱介休水利自潞公開三河溉民田始是夕中元望奠渾沂兩兒

十五日立秋早涼介休西南二十里兩山夾立汾水貫其中水經汾水又南過寇

一作冠

尉津鄴注曰在介

休西南俗謂雀鼠谷入谷數十里間道隘水左右悉結偏梁閣道汾流湍悍登高臨深令人思垂堂之戒哺抵靈石縣隸平陽府倚山枕河雉堞頽落不及平介間一聚落靈石者志稱隋文帝幸太原於此獲一石文曰大道永吉因置縣

十六日發靈石路舉确去汾水漸遠二十里登韓侯嶺祠在山巔墓在祠後壁間詩版甚多以沁水常倫爲冠書亦有晉人風氣午次仁義驛有韓苑洛先生小詞自跋云淮陰欲弔興遲遲已有原忠壁上詩黃

鶴樓前無李白西風惆悵寫新詞頗有致友人董御史玉虬文鳳題韓侯祠句云春雨王孫草靈風古木
叢予最擊賞之可與常詩匹敵也暮抵霍州自靈石西南盡日行崋崤間南望高峰入雲卽霍太山禹貢
所謂岳陽也晉獻公滅霍霍哀公奔齊晉國大旱卜曰霍太山爲祟乃使趙夙召霍君奉祀歲復饗自
唐開元以來國有大事望秩祝五嶽焉汾水過城西與潞水合又曰潞縣周厲王流于潞者也

十七日發霍州午次趙城縣周穆王以封造父按蜚廉有子二人惡來之後曰非子是爲秦嬴惡來弟季
勝其後曰造父爲穆王御平徐偃之亂賜以趙城爲趙氏哺抵洪洞縣郡國志河東郡楊縣晉羊舌大夫
叔向邑漢書楊雄傳揚在河汾之間周衰而揚氏或稱侯號曰揚侯會晉六卿爭權偁揚侯揚侯逃於楚
巫山按雄氏揚當是揚縣楊德祖言吾家子雲王氏談錄嘗辯之縣有師曠里城外清泉萬道彌望稻陸
小憩道旁韓忠定公文園登樓望九箕玉峰諸山煙姿出沒令人作印渚間想薄暮次公至次公後余三
日行及余於此

十八日洪洞城南十里過皋陶祠墓午次平陽府治臨汾縣古冀都也昭二十八年韓宣子與趙魏共分
祁氏羊舌氏之田以趙朝爲平陽大夫宣子卒子貞子徙居此姑射山在西南山海經姑射之山無草木
多水又南水行三百里曰北姑射之山又南三百里曰南姑射之山姑射有三未詳汾水經城西南入襄
陵縣界自是不復沿汾行暮抵趙曲鎮屬襄陵

十九日過蒙城驛驛北有橋曰豫讓橋地在太平曲沃界與趙城國土橋皆傳疑也暮抵侯馬驛雨次公
示見和介山懷古詩

二十日雨次公先行余後發人馬行山谷泥淖中聞喜縣東北五十里雙碑對峙一爲唐晉國裴文忠公
故里一爲宋豐國趙忠簡公故里文忠佐元和中興雖中遭譏間卒以功名終忠簡志存恢復一忤權奸

趙竄吉陽贛志以歿悲夫午次董澤左氏文公六年蒐于董澤晉太史蔡墨所稱懿叔安有裔子曰董父
擾蕃龍以事舜賜姓曰董氏曰象龍封諸潞川是也暮抵聞喜縣古曲沃史記昭侯元年封成師于曲沃
今曲沃縣乃古新田魏獻子所謂新田土厚水深有汾澮以流其惡是也漢書武帝元鼎六年將幸緱氏
至左邑桐鄉聞南越破以爲聞喜縣涑水在城南水經涑水出河東聞喜縣東山黍藁谷酈注俗謂之華
谷至周陽與洮水合今城東二十里有周陽城涑水在嘉隆前屢苦衝決先太師譚象乾令此邑環城創
築石隄一百六十餘丈迄今百年邑無水患與史公載德李公復聘文公作申公田喬公元升合祠俎豆
不衰又有特祠在東門余謁祠下父老子弟聚觀有泣下者漢朱仲卿曰我故爲桐鄉吏其民愛我後世
子孫奉嘗我不如桐鄉民後葬桐鄉西郭共爲起冢立祠歲時祠祭不絕此亦一桐鄉也

二十一日雨午次弘芝鎮安邑縣境暮抵猗氏縣注涑水又西逕猗氏縣故城北文公七年晉敗秦于令
狐闕駟曰令狐卽猗氏也按猗氏古郇伯國晉公子瑕撫其地又曰郇瑕春秋晉謀去故絳大夫曰郇瑕
地沃饒而近鹽柳子厚所謂猗氏之鹽是也秦立郡縣以猗頓所居改今名城中有莊武王廟祀唐馬燧
興元元年燧討李懷光駐此

二十二日次臨晉縣僖公十五年秦伯伐晉戰于韓原築高壘以臨晉故名漢書以臨晉屬左馮翊西南
望中條山糾那之間俯仰萬態唐末司空表聖避地居王官谷谷在中條春秋秦伐晉取王官及郊者也
暮抵蒲州古蒲阪唐爲河中府又爲中都五代北宋皆爲重鎮中條在城南十里青浮脾晚又有歷山嬌
溺所出有英皇二女祠今吾鄉濟南亦有歷山訛爲舜耕處有舜祠非是水經注稱剡始寧二縣界亦有
此訛矣濮陽亦有歷山雷澤

二十三日竝中條山行人家煙火與雲嵐相雜柿林數十里蒼葱彌望過首陽山山在中條西南居雷首